

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-14765/21
Sarajevo, 20.09.2021. godine

Na osnovu člana člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, i broj 02/12-45-8834/20 od 02.07.2020. godine a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE
Rekonstrukcija poslovnog prostora u ul. Trg nezavisnosti br.12 radi uspostavljanja ambulante
porodične medicine

I

Prihvata se preporuka Komisije za javnu nabavku radova i poništava se postupak javne nabavke „Rekonstrukcija poslovnog prostora u ul. Trg nezavisnosti br.12 radi uspostavljanja ambulante porodične medicine, broj obavještenja 422-1-3-152-3-104/21, objavljeno na Portalu javnih nabavki BiH dana 13.08.2021. godine i u “Službenom glasniku BiH” – Oglasnik javne nabavke broj 53/21 od 20.08.2021. godine, obzirom da je cijena dostavljene ponude znatno veća od osiguranih sredstava za predmetnu nabavku.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Objašnjenje

Odlukom broj 02/12-19-14765/21 od 11.08.2021. godine Općina Novi Grad Sarajevo pokrenula je otvoreni postupak javne nabavke - Rekonstrukcija poslovnog prostora u ul. Trg nezavisnosti br.12 radi uspostavljanja ambulante porodične medicine, broj obavještenja 422-1-3-152-3-104/21, objavljeno na Portalu javnih nabavki BiH dana 13.08.2021. godine i u “Službenom glasniku BiH” – Oglasnik javne nabavke broj 53/21 od 20.08.2021. godine.

Zapisnikom o otvaranju ponuda od 03.09.2021. godine Komisija je konstatovala da je u predviđenom roku, u propisno upakovanoj koverti, pristigla jedna (1) ponuda ponuđača:

1. „Sela“ d.o.o. Sarajevo sa ponuđenom cijenom za ugovor u iznosu od 75.321,80 KM sa PDV-om, Zapisnik sa otvaranja ponuda dostavljen je ponuđaču na fax u zakonom predviđenom roku.

Nakon što je Komisija utvrdila da je pristigla jedna ponuda, pristupila je analizi i procjeni dokumentacije kojom ponuđač treba dokazati svoju kvalifikovanost za učešće u ovom postupku te utvrdila da je Odlukom o pokretanju postupka procijenjena vrijednost nabavke 60.000,00 KM sa PDV-om, odnosno da je dostavljena ponuda ponuđača „Sela“ d.o.o. Sarajevo znatno veća od osiguranih sredstava za predmetnu nabavku, te je Komisija predložila da se donese odluka o poništenju postupka predmetne javne nabavke.

Na osnovu navedenog u skladu sa odredbom člana 69. stav (2) tačka e) Zakona o javnim nabavkama odlučeno je kao u dispozitivu.

Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata

preporuka Komisije o poništenju postupka javne nabavke, te je shodno odredbama člana 69. stav (2) tačka e) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić